

SIMONIS PISTORII  
OPPOLIENSIS

Epigrammatum

OCTERNIO DECIMUSTERTIUS

*Nobili & singulari eruditione Praestan-*  
*tissimo Viro, Dn. PETRO*  
*MORSKOVIO,*

donatus.



Ad Lectorem.

*Ve non sis doctum, non sis quoque sortè politum,*  
*Quod tibi nunc etiam Carmen, Amice, damus:*  
*Attamen acceptu dignum, lectuq; videtur,*  
*Res propter sacras, & pietate graves.*

Nobili & doctrinâ excellenti Viro,  
Dn. P E T R O M O R S K O V I O  
Salutem.

**D**IV fui dubius. Nobilis & erudite D. MORSKOVII, utrum esset Oâternio iste Epigrammatum meorum tibi offerendus, nec ne. Ex una enim parte deterrebat me tenuitas venæ meæ, utpote quæ verebatur subire censuram doctarum ac tersorum aurium tuarum: quibus nil nisi quoddam elegans, nisi quoddam excoctum & politum, committendum esse semper putavi. Ex altera autem parte addebat animum firma illa mea de singulari tuo in me amore persuasio, & ea quidem penè à pueritia tua à me concepta. Videbâre enim me eo semper, quanquam nullo merito meo, prosequi. Propterea fortasse, quoddam putares, cum, qui tecum arcto ejusdem fidei vinculo copulatus sit, amandum, &, quod hîc etiam locum habet, existimare se nem observandum esse. Vicit igitur hanc dubitationem persuasio ista; quam ut semper foveas, & ad extremum usque conserves in me, hoc te etiam atq; etiam, mi MORSKOVII, rogo. Theologica autem ad te mitto; & quia tu Theologus es; & quia à me nihil nisi quod esset Theologicum proficisci debuit, utpote qui huic etiam studio ab ipsa ferè adolescentia deditus fuerim. Accipe igitur à me, eruditissime P E T R E, hoc quicquid est carminis, benevolentia meæ erga te signum ac monumentum indelebile; Pistoriumq; tuum, quemadmodum antehac semper fecisti, diligere perge. Vale in Domino.

S. P.

**T**  
Ma  
Nullo.  
Ser  
His eg  
Hic  
Perle  
Dili

**S**ECU  
Ant  
Quæ c  
Ten  
Hæc j  
Et  
Mund  
Nul  
Quan  
Nun  
Cum  
Et  
Per q  
Ad  
Cujus  
Ven  
Vnde  
Acc



**T**Emporis à studiis aliquid gravioribus aufer.  
 Ad metra pauca, tibi missa, legenda, PETRE:  
 Vilia sunt fateor, venam si respicis ipsam,  
 Materiam spectas si, PETRE, digna legi.  
 Nullos ecce jocos cernis, nulla esse prophana;  
 Seria & ex adytis cuncta profecta sacris.  
 His ego sæpè meos animos & recreo mentem,  
 Hic socium fieri te volo, PETRE, mihi.  
 Perlege, & ipse tuum cum primis, PETRE, Simonem  
 Dilige, qui semper flagrat amore tui.

De mysterio Salutis.

**S**Ecum de nobis à multo tempore retrò  
 Antè, Deus fidei pollicitiq; tenax,  
 Quæ complexus erat de nostra mente Salute,  
 Temporibus statuit quæq; futura suis;  
 Hæc jam complevit postremo tempore sæcli,  
 Et certam placiti præstitit ille fidem.  
 Mundus adhuc nullus, cæli convexa fuere  
 Nulla, sed antiquum tum chaos illud erat;  
 Quando ille Vnigenam, fetâ de virgine factum  
 Numine, veracem constituitq; Ducem,  
 Cum spe mittendum Vitæ decreverat alma,  
 Et summi, fruitur quo Deus ipse, boni.  
 Per quem mortales jam tum delegerat, astra  
 Ad potiunda poli, non adeunda prius.  
 Cujus lex simulachra rei monstrabat & umbras,  
 Verborum velo quæ cooperta fuit.  
 Vnde pii in votis mage nil habuere Prophetæ,  
 Accepti summo quiq; fuere Deo,

Libër

Quam destinatum quamprimùm cernere miſſum,  
Illius auditis alloquioq; frui.

Verùm expectato fruſtrâ, votisq; petito  
Fruſtrâ; exinde ſuum ſic obiẽre diem.

Aurea ſunt autem, verè ſunt aurea noſtra  
Secula, queis nobis jam licet hiſce frui.

Designata olim que ſunt à tempore longo  
Iam nunc eventu ſunt manifeſta ſuo.

En noſter Servator adeſt, decretus ab ævo,  
Cumq; illo nobis miſſa beata ſalus.

Ille fuit tanta divinus Præco ſalutis,  
Et confirmator illius ille fuit.

In ſeſe nobis nunc exhibet ipſus eandem,  
Rex immortalis factus in Axè ſedet.

Inde brevi dandam nos expectamus eandem,  
Qui ſtamus ſanctas illius ante fores.

Pro deſtinato tanto tibi munere grates,  
Proq; revelato, ſint Pater alme, bono.

Ad CHRISTUM SERVATOREM noſtrum.

Maxime Chriſte Dei Soboles, Homo dive Redemptor,

Qui nunc cuncta tuo cum Patre Regna tenes,  
Aſpice nos, miſeram qui dura per omnia vitam

Ducimus, & votis annue, Chriſte, piis;

Pro vera, quam tu attuleras à Patre Salute,

Quâ nihil & Cælum majus & orbis habet.

Ante tuum Numen proni proſternimur omnes,

Solventes grates pectore & ore tibi.

Ipſe revelati tantam tu Præco ſalutem,

illa operâ nobis eſt patefacta tuâ.

Ipſe



Epigrammatum.

*Ipse ratam nobis fecisti morie salutem,  
Et quâ nunc polles omnipotente manu.  
Ipse representas istam, monstrasq; salutem,  
Delatus summi Patris ad ora tui.  
Ipse etiam gestas istam, curasq; salutem,  
Expectâre isthinc Ipse daturus eam.  
Christe, adipiscendæ causâ, utendæq; salutis  
Istius, adjuta Numine (namq; potes.)  
Ut tibi fidamus, verâ & Pietatis amantes  
Frangamus scelerum fortiter omne jugum.  
Ac quum totius tu veneris arbiter orbis,  
Præmia pro meritis cuiq; dature suis,  
Omni sublato, quod fecimus antè, reatu,  
Nos Patris Gnatos effice, Christe, tui.  
Donec & ad Patris nos cælica provebis Astra,  
Da gustu Cæli, læticiaq; frui.*

Verè beatus quis.

*O Toties, quoties non est numerare, beatum?  
Quem verus sancti Numinis urit amor.  
Cui præcepta Dei sunt jucundissima factu.  
Qui fugienda fugit, qui facienda facit.  
Ille timore procul vivens, curisq; remotus,  
Impigra compartis ocia rebus agit.  
Hunc seu ducentem vitam, seu funere functum,  
Protegit immensi provida cura Dei.  
Sint in cimmeriis alii, vivantq; tenebris,  
Omnigenâ cassi cognitione Dei.  
Huic sacræ semper Legis lux suppetet alma,  
Plenus erit verâ cognitione Dei.*

Libet

sive illum casus, sive ulla pericla manebunt,  
Cælesti Genio præside, liber erit.

Adde, quod is benefactorum sibi conscius ipse,  
Summa voluptatum gaudia corde gerit;  
Ejus & ipsa salus optata, & quicquid ad illam  
Pertinet, in dextra est præsidioq; Dei;  
Illius & tristem dulci solamine mentem  
Mulcet, & immisso Numine corda beat.

Imprimis si quid patitur pro nomine Christi,  
Pectora vexati consolidare solet.

Nec minus in morbo, medioq; in limine mortis,  
Spe vitæ illius corda perennis alit.

Et solvens illum placido, leniq; sopore,  
Caram animam in proprias suscipit ille manus.

Post obitus autem, supremâq; funera vitæ,  
Ipsius sese nuncupat esse Deum.

Deniq; cum postrema dies illuxerit orbi,  
Hunc simul in Regnum transferet ille suum.

Sunt ubi delitiæ, sunt talia gaudia, semper  
Qualia divinis sunt obeunda viris.

Qualia non oculo percepta, nec aure, cuiq;  
Nec fingi tacitâ qualia mente queunt.

Hæredes summiq; Dei, Patrisq; futuri,  
Atq; cohæredes, maxime Christe, tui.

Si qua fides vero, digni solioq;, Deiq;  
Dextrâ, in qua residet Filius ipse Dei.

Baptista salit in utero Matris ad adventum  
Mariæ. Ibid.

Congressæ pariter Matronaq;, sanctaq; Virgo,  
De magnis, tactæ numine, rebus agunt.

Dumq;



## Epigrammatum.

*Dumq; hæc interea fiunt, res mira, Ioannes  
In Matris lætus pufio ventre falit.*

CHRISTUS natus ex Virgine. Luc. 2.

*NVllos paßa thoros, expers Virguncula labis,  
Fæta Deo, Natum concipit (ecce) Dei.  
Ridicula hæc res Philofophis fortaffè videtur.  
Sed caufa eft cur nos credere facta iuret,  
Qui nos immundos debebat ducere ad astra.  
Non aliter nafci debuit ifte Puer.*

CHRISTI oblatio. Ibidem.

*Sifteris ante Deum pro confuetudine Legis  
Primum virginæ Parrule ventris onus.  
Vt Primogenitum te Chriſte fuiße probares,  
Sanguine nos cuius turba redempta fumus,  
Majeſtas certè ceſſit tibi Regia ſoli,  
Atq; Sacerdoti nobile ceſſit opus.  
Vt Reges & nos faceres, pie Chriſte, perennes,  
Atq; Sacerdotes, Protogonosq; Patris.  
Felix ergò tuum ſupplex qui Numen adorat;  
Felix ſermones qui bibit aure tuos.*

CHRISTUS victima.

*Pro nobis Natum in mortem Pater obtulit ipſum,  
Tantus amor noſtri, tanta cupido fuit?  
Pro pravis purum, pro fædis crimine juſtum,  
Et cuius fuerat nullus in ore dolus.  
Quiq; futurus erat Dominus ſuper omnia certò,  
Et Rex, immò Deus quiq; futurus erat,  
Cæditur en alapis, à militelufus iniquo,  
Indignè ſanctam deſpuitur faciem.*

Libër

*Vulnificis loris ad sangvinis usq; feritur*

*Flumen, ut agnosci vix potuisset homo.*

*Tempora spinosâ redimitus facta coronâ*

*Ad mortem ligni pondere pressus abit.*

*Affixusq; cruci, scelerati more latronis,*

*Rursus vesanis lusibus excipitur.*

*Deniq; defunctus longâ configitur bastâ,*

*Ex quo profluxit sangvis & unda simul.*

*Tantos pro nobis ita pertulit ille dolores,*

*His nos sanavit vulneribusq; suis.*

*Editus à terra secum sic omnia traxit;*

*Sic homines Astris intulit ille suis,*

Deum in Christo cognosci Ioh. 14.

*Virtutemq; Dei, maiestatemq; verendam,*

*Lumine si fidei cura videre tibi est;*

*Virtutem Christi, maiestatemq; potentem*

*Respice, qui veri splendor, imago Dei est.*

*Nemo aliter videt hunc: & Christum præter & extra*

*Agnosci melius non valet ille Deus.*

In Avarum.

*Auri sacra fames quando satiabere? tandem*

*Quem tibi constituēs dira libido modum?*

*Sicne animus crescit, quantum ipsa pecunia crescit?*

*Nec nisi finita morte tepestet amor?*

*Iam sat habes, & tot tibi iam tantiq; supersunt,*

*Ut capiat numos nec gravis arca tuos.*

*Nec das quicquam aliis, Vir stulte, nec uteris illis,*

*Nec miseris ullam fers miseratus opem;*

*Nec minimum ex illis fidis concedis amicis;*

*Hinc quoq; decerpit Patria cara nihil.*



Epigrammatum.

In sacros etiam nihil unquam impendis honores,  
Nil sperare à te vel Deus ipse potest.  
Vt brevibus dicam, proprios nec tradis in usus  
Pauca; si dandum est ringeris absq; modo.  
Plura tamen quæris, captas & plurima semper,  
Dummodo spes lucri fulserit ulla tui.  
Sic alii sat habent, contenti rebus, & ipsa  
Sorte; sat infelix nullus avarus habet.

AD PETRUM MORSCOVIVM.

Cum jam parva, fere vel spes tibi nulla fuisset  
Augenda prolis, PETRE polite, tuæ,  
Ex quo ducta tibi est, quinquennis Olympias ibat  
Altera, feta parit cum tibi Nupta marem,  
PETRE, parit tibi Nupta marem; post illa secundum  
Nupta parit; sed adest tertius ecce tibi.  
Quis te tot Natis auctum iri, PETRE, putasset?  
Iam desperanti cum satis unus erat.  
Res hæc stem præter tibi quo magis evenit, hoc sit  
Profferior longè, candide PETRE, tibi  
Servet queso Deus matri sua vota, Patriq; ,  
Assensu faciat semper & esse rata.  
Artibus imbuti, Majorum exempla sequentes,  
Vt summi ad laudes sint, superentq; Dei.

Petri Apostoli reſtitutio. Ioh. 21.

Quid PETRE miraris, verum ut fateâre, quod ex te  
Tergeminâ Christus voce requirat idem?  
Par est, ut, quoniam ter Christum, Petre, negasti,  
Tu quoq; in antiquum ter revocâre statum.  
Tum, nisi quis Christi vero teneatur amore,  
Non Pastor bonus est, ille, nec ædificat.

Liber

Christe, tui vero caleam quoq; semper amore,  
 Ut fiam verus Pastor, & edificem?

PAULUS compellatus de Cælo. Act. 9.

Contemptor Christi, violentâ turbidus irâ,  
 Sanctorum oppressor, Paulus, & hostis atrox,  
 Quomodo fit supplex, caelesti voce repressus,  
 Quomodo dat victas voce tremente manus?  
 Non sic contremuit quercus cava fulmine tacta,  
 Nec balans viso sic pavet agna lupo;  
 Ut decussus equo tremuit formidine Paulus,  
 Nil sanæ in toto pectore mentis habens.  
 Discite cum Christo quid sit pugnare rebelles;  
 Solo vos nutu proterit ille suo.

Precatio pro omnibus hominibus. 2. Timôt. 1.

Magne Deus, Cæli, rerumq; , hominumq; Creator,  
 Qui regis arbitrio condita cuncta tuo,  
 Imprimis autem mortales respicis egros,  
 Prospectum melius tu quibus esse cupis,  
 Pro totâ grates hominum tibi Gente sonamus,  
 Quam nunc hic usquam maximus Orbis habet.  
 Et pro tot, tantisq; bonis, quibus afficis omnes,  
 Quotidiè antiquis accumulando nova.  
 Tu super Ingratos nitidos Phæbi exeris ortus,  
 Exhilarans hominum lumine corda tuo.  
 Tu super Injustos mittis de nubibus imbrem,  
 Dilectas segetes, arvaq; sicca rigans.  
 Tanta tua est bonitas, nobis tuus omnia dandi,  
 Ut mens nulla queat noscere, tantus amor.  
 Dùm peccant homines, toties si fulmina mittas.  
 O Deus! exiguu tempore Mundus erit.

Sed tibi  
 Inge  
 Imper  
 Terr  
 Pector  
 Imb  
 Pacis  
 Pub  
 Omnia  
 Ut  
 Utq; L  
 Cor  
 Adde  
 Hic  
 Nemp  
 Qui  
 Omnes  
 Vis  
 Tempo  
 Tu  
 Nil m  
 Ut  
 Unus  
 In q  
 Unus  
 Pro  
 Qui v  
 Imp  
 Et sic  
 Pro



### Epigrammatum.

Sed tibi præcipue pro Regibus atq; Dynastis  
Ingentes grates solvimus alma Deus.  
Imperii clavo quos præficis, arbiter Orbis,  
Terrarum Dominos & facis esse Deos.  
Pectora magnanimus, prudens, & dexter & æquus  
Imbuat illorum Spiritus ille tuus.  
Pacis amor, studiumq; boni, quod postulat usus  
Publicus istorum mentibus insideat.  
Omnia vastantis belli valeamus honestam  
Ut vacui vitam degere & absq; metu.  
Utq; Deo (quæ res prima est) servire quieto  
Corde queat, puram turba professâ fidem.  
Adde quod hæc idem propensio talis in omnes  
Hic quoq; nostra suum debet habere locum.  
Nempe tuo desiderio morem esse gerendum,  
Qui propriæ sancto laudis amore tuæ  
Omnes amplecti veram vis ipse salutem,  
Visq; frui cunctos cognitione tui.  
Tempora præterita tenebrarum ætatis amanter  
Tu condonasti, pro bonitate tua.  
Nil magis in votis tibi nunc, quàm sancta voluntas  
Ut nosci à cunctis possit ubiq; viris.  
Unus cunctorum es tu namq; creator & author,  
In quos ex æquo jus tibi semper idem.  
Unus cunctorum est Christus Mediator, & idem  
Pro cunctis subiit funera dira necis.  
Qui virtute Dei rediit vivus, ad Astraq; sumptus,  
Imperii exercet cum Patre fræna suo.  
Et sic non vanus divina Præco salutis  
Promissam cunctis comprobât ipse fidem.

## Libet

### Cohortatio ad laudandum Christum.

**H**uc o cultores veræ Pietatis adeste,  
A Duce quos Christo nomen habere iuvat.  
Huc mentes, huc & sensus convertite vestros,  
Conferte huc voces, eloquiîq; decus.  
Ut vestrum toto Dominum celebretis in Orbe,  
Cantetisq; alto digna pœana Deo.  
Ille suâ nos voce vagos collegit in unum,  
Ille suum ex multis fecit ovile sibi.  
Ille suâ à cunctis vitiis nos morte redemit;  
Nos sectatores fecit & ille boni.  
Perpetuò nostræ curam gerit ille salutis,  
Et media illius comparat ille vigil.  
Ille sacram nobis demittit cœlitus auram,  
Quâ nostram firmat, corroboratq; fidem.  
Ille suis Geniis ad nostros utitur usus,  
Per quos securos præstat ubiq; suos.  
Ille animas nostras, quæ sunt divinitus ortæ,  
Curat, & in Regnum suscipit ille suum.  
Deniq; tantæ Ille est fidei; non cessat amare  
Semper eos, quos jam cæpit amare semel.  
Huc o Cultores veræ Pietatis adeste,  
A Duce quos Christo nomen habere iuvat.  
Hanc tantum benefactorem cognoscite vestrum,  
Hunc vestræ fidei vos redamate Ducem.  
Illius ante thronum proni procumbite cuncti,  
Ejus & ad sanctos oscula ferte pedes.  
Si vobis curæ Pietas, simul este parati  
Pro tanto illius semper amore mori.

Qui

Qvi  
Aut  
PETR  
Et n  
Opross  
Quâ  
Calica  
Ver  
Ne te,  
Quo  
Ex PR  
Eva  
Sicte,  
Et r

Lau  
Pro  
Laudi  
Pro  
Laudi  
Pro  
Vocib  
illu  
Cordil  
illu  
Egreg  
Et f  
Vos in  
Om



Epigrammatum.

Ad PETRUM MORSCOVIVM.

**Q**ui poteras Regum magnas volitare per aulas,  
Aut poteras juris duplicis esse sciens,  
**P**ETRE, sacrae mavis tractare volumina Legis,  
Et mavis summi discere jura Dei.  
**O**prospexisti tibi quàm bene, **P**ETRE! decenter  
Quàm providisti rebus, Amice, tuis!  
Caelica terrenis praefers, & sacra prophanis,  
Vera tibi vanis sunt potiora bonis.  
Ne te, ne pudeat Praeconis munere fungi;  
Quod decuit Christum cur tibi turpe putes?  
**E**x Pracone Dei Rex immortalis ut ille  
Evasisit, summo proximus estq; Deo:  
Sic te, **P**ETRE, Dei manet immortale brabeum,  
Et non postremo gloria digna loco.

Adhortatio ad laudandum Christum.

**L**audibus aeternis Christum celebrate benignum,  
Pro tanto quo nos semper amore fovet.  
Laudibus immensis Christum celebrate faventem,  
Pro tanto quo nos ipse favore colit.  
Laudibus egregiis Christum celebrate potentem,  
Proq; ejus gestis, proq; potente manu.  
Vocibus intensis Christum celebrate benignum,  
Illum compositis concelebrate metris  
Cordibus integris Christum celebrate faventem,  
Illum pectoribus concelebrate piis.  
Egregiis factis Christum celebrate potentem,  
Et factis illum concelebrate bonis.  
Vos immortales animae, quas continet aether,  
Omnibus hunc Christum concelebrate modis.

*Vos quoq; mortales animæ, quas continet Orbis,  
Cunctis præcipue concelebrate modis.*

Ad CHRISTUM de certitudine prædictionum ejus.

**O** Christe, os Patris, quàm sunt verissima cuncta  
Dicta tua, & quàm nil fraudis in ore tuo!  
Eventum quædam jam sunt sortita, futura  
Quæ prædixisti præscius ante suum.  
Ecquis de reliquis dubitet, fore quæ simul olim  
Præcinuit sanctus spiritus ille tuus?  
Certa tui adventus nobis documenta dedisti,  
Vnde illum scimus non procul esse diem:  
Quam tu voce tuâ docuisti, mira patrando,  
Quamq; obsignasti deniq; morte tuâ,  
At tam Doctrina sancta Defectio, vera  
Vt vix cognosci possit in Orbe fides.  
Maxima Regnorum Collisio, Martius horror,  
Armorum strepitus, motus ubiq; Virum.  
Tum sectatorum Vexatio sæva tuorum,  
A fidei cunctis hostibus, atq; suis.  
Hujus fama rei longo jam tempore sanctos  
Terruit, à multis est quoq; visa piis.  
Quid visam dico? (cùm sit sors ista tuorum)  
Nunc etiam plures experiuntur idem.  
Tu nos præmonitos voluisti voce benignâ,  
(Vt qui sis nostræ, Christe, salutis amans)  
Ne vel tum pavidè, vel quid faceremus ineptè,  
Cujus nos etiam fortè pudere queat.  
Spernimur à cunctis, sumus ad majora parati,  
Si nos fortè voles asperiora pati.

Adde

Adde j  
Et  
Afflat  
Pos  
Atq; i  
Cun  
Et qu  
Te p  
Restau  
Illu  
Ergo  
Hoc  
Hoc E  
Ex  
Vt pr  
Et  
Conve  
Im  
Vt ne  
Vn

QV  
In c  
Sollic  
Cui  
In sup  
Qu  
Ille ju  
Im



### Epigrammatum.

Adde fidem vero, tu qui potes omnia, Christe,  
Et vires & opem, quæsumus, adde tuam.  
Afflato nostris occultos sensibus ignes,  
Possimus rutilos quævis superare rogos.  
Atq; ita de sevo ducentes hoste triumphum  
Cum palma ante tuum postea stare thronum.  
Et quia spem nobis fecisti rursus in Orbe  
Te promoturum Religionis opus,  
Restauranda iterum Doctrinæ dogmata vera,  
Illum supremi temporis ante diem.  
Ergo supplicibus votis tibi Christe litamus,  
Hoc etiam præstes, nam potes, absq; mora.  
Hoc Evangelium in totum velocius Orbem  
Exeat, atq; adeat vix adeunda loca.  
Vt prolem Iudæ, & Gentes, & Turcica Regna,  
Et quotquot vastus barbara Mundus habet,  
Convertat, sacroq; suo de lumine cunctos  
Imbuat, in vera cognitione Dei.  
Vt noster veluti tu Pastor es unicus usque,  
Vnum sit totus Mundus ovile tuum.

Gratiarum actio CHRISTO pro pace  
præstata.

QViquid erit tandem, frangatur & Orbis & Æther,  
In chaos antiquum deniq; cuncta ruant.  
Sollicitum deponere metum, Gens dedita cælo,  
Cui toto mens est corde placere Deo.  
In superis Regnat Christus, fortissimus heros,  
Quicquid ubi est rerum, cui Deus omne dedit.  
Ille sui curam populi gerit, Ille potenter  
Impendens nobis amovet omne malum.

Vndiq;

Liber

*V*ndiq; terrificus jam Mars stridentibus armis,  
*V*elle videbatur sternere cuncta solo.  
*V*elle videbatur res fundo tollere nostras,  
*I*mmò de medio tollere velle pios.  
*S*ceptrigeros Reges vidisses castra locare  
*M*axima, & innumeros cogere ad arma *V*iros.  
*P*endens promissis anceps, suspensa manebat  
*V*nanimi Christum pectore turba colens.  
*E*ventumq; rei expectans, ad cuncta parata,  
*A*ssiduâ Domini voce vocabat opem.  
*E*cce autem qui cuncta *V*irum tenet agmina Christus,  
*I*nq; manu Regum pectora solus habet,  
*A*rcuit à nobis Inimicos proinus omnes,  
*S*edavitq; potens arma, *V*irosq; citò.  
*N*e trepidate boni, mare corruat, Orbis & Orcus,  
*V*obiscum semper Rex Zebaothus erit.  
*H*uc, ô huc Christum quicumq; ardetis adeste,  
*T*antaq; tam magni facta videte Dei.  
*M*avortis tantos post armorumq; tumultus,  
*O*mnibus est nobis reddita summa quies.  
*O*mnia sunt pacata, in finibus omnia tuta,  
*H*ostis abest, pariter sunt quoq; tuta domi.  
*H*ujus adorandi tam sancti Numinis ergò  
*I*llius in sanctam nos decet ire domum.

Ad alteram vitam.

*O* Quam te memorem! laudum praconia dicam  
*Q*uae tibi? delitium vita futura meum.  
*V*t tu Vita mea verè es vita altera vita?  
*Q*uae facis ut vita hac sit quoq; vita mihi.

Expers



Epigrammatum.

*Expers principii vita altera, nescia finis,  
Aeterna aeterno vita coeva Deo.  
Vita electa Deo, toto gratissima Caelo,  
Sive bonis Geniis mellea, sive, malis.  
Tot fulcita Dei documentis vita perennis,  
Facta tui ut nobis non dubitata fides.  
Vita beata istis nullis obnoxia rebus,  
Hac quibus infelix undiq; vita scatet.  
Non dolor est in te, non est labor improbus ullus,  
Non metus, ullius parva vel umbra mali.  
Infinita salus, quies, & secunda voluptas,  
Deniq; quod mea mens non capit, omne bonum es.  
Tu vita in te met complectere prospera cuncta,  
Solaq; fons summi vita beata bonies.  
Cives sunt animæ rutilæ, mentesq; serena,  
Vita tui, quorum est haut numeranda cohors.  
Hi sacra Agni vestigia ponè sequuntur  
Ad bona ducentis, deliciasq; novas.  
Hi sua restinguunt felici nectaris ora  
Flumine, de media sede fluente Dei.  
Odux vitæ illò deduc me tramite recto  
Christe, & siste Dei Patris ad ora tui.*

CHRISTUS est omnia.

*Esse, quis hoc fieri putet, unus ut omnia posset?  
Hec unus potuit Christus in Orbe tamen.  
Est Christus Patris Soboles viventis in ævum;  
Idem Vitæ est & Pater alterius.  
Est Christus Iudex hominum, Patronus & idem,  
Est ovium Pastor Christus, & ipsa bidens.*

Libër

*Hosia Christus & est, est Christus & ipse Sacerdos,  
Ianuã Christus & est, est & ovile simul.  
Deniq; Christus & est servus, fidusq; Minister,  
Est pariter Populi Rexq; Deusq; sui.*

Cum CHRISTO omnia.

*Cum Patre unanimis qui possidet omnia Christus,  
Credenti secum cuncta dat ille suo.  
Felix qui didicit tam magno fidere Christo,  
Et meruit tantum pectore ferre Deum!  
Magnus & ipse erit, donis & clarus opimis,  
Huic Mundus cedit totus, & ipse polus.  
At vacuus fidei Christi, pauperrimus omnis;  
Omnia ut ille habeat, nil habet ille tamen.  
Clarus ut esse queam, divesq; per omnia, Christe,  
Da mihi te, rerum cetera curo nihil.*

Non signa, sed fides.

*Signa petant alii, faciant vè ingentia, Christi  
Quæ patrare & nunc credulus ipse queat.  
Motum etiam duris vel montibus imperet, illos  
In freta cærulei dejiciendo maris.  
Ista alii curent, mihi sat sit credere; Christe  
Te Servatorem scilicet esse meum.  
Quòd cælo veniens, moriens, & morte resurgens,  
Solo flagranti motus amore mei,  
Indignum peccatorem me, mancipiumq;  
Morte redemisti perpete, Christe, tuum,  
Credere promissis Christi, quòd turpe cadaver,  
Quod jam putruerat, surgere possit humo,  
Surgere possit humo, vivens Cæloq; reponi,  
Ut nova cum Superis gaudia semper agat.*

Dic mi  
Esse

Situa  
Si fr  
Qui pr  
Par  
Nos qu  
Imu  
Tu mo  
Sed  
Digni  
Tecu

Inque  
Et q  
A Pat  
Div  
Hoc no  
Ipse  
Filius  
Me  
Huic e  
Hui  
Quin i  
Illu  
Hoc d  
Sca

Et t  
spi



Epigrammatum.

Dic mihi, quid mirum magis est? quod majus in orbe  
Esse potest signum? major & esse fides?

Qui Christi propinqui.

Si tua Mater is est, ut ais, dulcissime Christe,  
Si frater carus, si tua blanda soror,  
Qui præscripta Dei sequitur, tibi quique jubenti  
Paret, adhærendo speque fideque tibi.

Nos quoque, Christe, tuum ad præscriptum vivere sanctum  
Imus, adhærentes speque fideque tibi.

Tu modò nos viles famulos ne desere, Christe,  
Sed semper vires, quæsumus, adde tuas.  
Digni ut tam dulci consanguinitate, simulque  
Tecum cælestes simus adire domos.

In solo CHRISTO salus.

In quo divinæ maneat spes certa salutis,  
Et quod nos astris asseruisse queat,  
A Patre haut aliud gemino sub fornice cæli,  
Dive, tuo nobis nomine, Christe datum est.  
Hoc nomen certè est illud, de quo æthere rupto  
Ipse Pater tales edidit ore sonos:

Filius hic meus est, Iesus, mea maxima cura,  
Me cuius semper maximus ardor edit.

Huic ego vos omnes Doctori trado regendos  
Huic vos mortales subdere colla volo.

Quin igitur, Munde infelix, hoc nomen adoras?  
Illius & subdix quin tua colla iugo?

Hoc duce quo Stygiam valeas evadere pestem,  
Scandere & ad superas, regna beata, domos.

Officia missi S. S.

ET Patris & Filii sacra copula, missus ab Axe  
Spiritus, hoc trinum fortiter ursit opus:

Liber Epigrammatum.

Arguit Hebræos incredulitatis aperta,  
Quòd Christo meritam non habuere fidem.  
Ostenditq; Deum justè fecisse, quòd illis  
Christum non visum sumsit in astra poli.  
Tùm Christum injustâ damnatum morte probavit,  
Quâ tamen Infernum vicit, & Astra tenet.

Effecta ejusdem.

Cujus sacra animo divini illabitur aura  
Numinis, hic omni jure beatus homo est.  
Ignaros hæc namq; docet, mentesq; sacrarum  
Illustrat rerum cognitione rudes.  
Abluit illa hominum fædas de pectore sordes,  
Et pia jucundo corda fluore rigat.  
Illa suo pectus succendit & igne gelatum,  
Vt vero summi flagret amore Dei.  
Illa pios animi sensus perfundit & implet,  
Rore voluptatis, nectare & ambrosiâ.  
Hæc mollit tristes internâ voce dolores,  
Cum fera pro Christo crux toleranda venit.  
Vt brevibus dicam, in media jam funeris hora,  
Hæc animam vitæ spe melioris alit.

AD MORSKOVIVM.

Scripta refutandis tua qui teris ocia Libris,  
Ecquando nobis, PETRE, legenda dabis?  
Tàm sanctis famam ne cessa extendere factis,  
Dumq; fugax tempus, dumq; juvenia sinunt.  
Non idem vigor est animi, non semper acumen;  
Nec quæ defluxit hora redire potest.  
Cætera letheo conduntur flumine gesta,  
Quam tribuunt Libri fama perennis erit.